

8  
SATYRÆ  
MEDICÆ,  
CONTINUATIO XVI.  
DE  
RHACHITIDE  
ANGLORVM

QVAM  
DISPUTATIONE ORDINARIA  
DEO IUVANTE  
IN CELEBERRIMA ELECTORALI  
HEIDELBERGENSI  
PRAESIDE

DN. GEORGIO FRANCO,  
MED. AC PHIL. D. PROF. P. S. R. I. NAT. CVRIOS.  
VT ET PATAVINAE RECUPERATORVM  
COLLEGA  
PRAECEPTORE, PATRONO AC HOSPITE SVO  
OMNI OBSERVANTIAE CVLTV  
AETERNVM PROSEQVENDO.

Jatrophilis exhibet

*Ad Diem 22. Decembr. clō Ioc LXXX.  
hora 1. pomerid.*

JOHAN. CONRADVS Kapp/  
Oringa-Höenl.

---

HEIDELBERGÆ,  
Literis SAMVELIS AMMONII, VNIV. Typog.

V I R O

NOBILISSIMO EXCELLENTISSIMO, EXPERIENTISSIMO

DN. JOH. SAMUELI  
Engelhard/

MED. LICENT. ILLVSTRISS. ET  
CELSISS. DNN. COMIT. AB HOENLOE  
&c. &c.

CONSILIARIO ARCHIATRO, AC PHYSICO  
ORINGENSI ORDINARIO  
CELEBERRIMO

DN. PATRONO, PRÆCEPTORI AC  
FAVORI

plurimum venerando

Hoc specimen Academicum in sui studiorumque suorum  
commendationem inscribere debuit

JOH. CONRADVS Rapp.



B. C. D.

§. I.



ORBORVM INFINITA EST MVLTITVDO! ita verissime jam olim exclamavit PLINIVS VII. 51. Ἐὐμόφνητον invenit SENECA Epist. XCV. p. m. 786. Idem, Sed sale suo satyrico bene perfrictum confirmat JUVENALIS sat. X. v. 218. seqq.

——— Circumsilite agmine facto

Morborum omne genus quorum si nomina queras,  
Promtius expediam quot amaverit Hippiæ mœchos,  
Quot Themison agros auctumno occiderit uno,  
Quot Basilus socios, quod circumscribserit Hærus  
Pupillos, &c.

paucis: INNVMERABILES!

§. 2. Ut taceam optimum meum Magistrum SENECA l. 4. solarum Febrium innumerabilia genera statuere: & oculorum (vah partes parvas at nobiles!) CXII distinctos morbos tradat GALENVS in Introd: cui Medicus titulus est. Tumorum vero Idem PERGAMENVS l. pecul. LXI. differentias fecit; quibus Joh. Phil. INGRASSIAS tr. 1. de Tumor. cap. 1. comm. 2. p. m. 77. adhuc CLXV superaddit, & in universum CCXXVI. statuit; quos non immerito limitat CL. SENERTVS Prax. l. v. p. 1. c. 1. p. m. 7. a.

§. 3. Nec isti hætenus cogniti sufficiunt; sensit & facies hominum novos, omnique ævo priore incognitos, non Italia modo, verum etiam universæ prope Europæ morbos; ut PLINIVS XXVI. 1. mihi sua Ejusmodi morborum novorum optimus olim Promotor meus senex fere Centenarius Melchior SEBIZIVS vñ ἐν ἀγίοις diss. pecul. 1662. quatuor fecit classes. in 1. qui nunquam neque ap. nos, neque ap. alios fuerunt observati: in 2. qui certis regionibus novi, aliis vero satis noti: in 3. qui ubique rari, interdum un. deprehenduntur: in 4.



qui speciè quidem cum morbis notis conveniunt , accidentibus autem & symptomatibus quibusdam ab illis differunt.

§. 4. Ad primam classem proprie & κατ' ἐξοχήν dictorum novorum morborum meritissi no suo refertur RHACHITIS Anglorum qui primum innotuit in occidentalibus Angliæ tractibus , in Comitatu scil: *Dorset* & *Somerset* circa A. C. clb. lbc. xx. circiter. Ab eo tempore paullatim ejus notitia ad alia quoque loca derivata est , Londinum puta , Cantabrigiam , Oxoniam ; immo omnes pæne Antrales & occidentales Angliæ partes : in Septentrionalibus a. multo rarius hic morbus occurrit & vixdum vulgo communiter innotuit ; ceu hæc refert *Franc GLISSONIVS* ; qui primus cum *Georgio BATE* & *Abbas vero REGEMORTERO* Med. Doct. de hoc affectu tractatum pecul. edidit Londini ap. Sadlerum in 8. A. C. clb. lbc. L. in quo cap. I. p. m. 3. ait triginta circiter retro ab hinc annis innotuisse.

§. 5. Definatur CL. *Christoph. Andr. Schongast* *diss. Inaug.* Lipsiæ 1668. cap. I. §. 3. quod sit intemperies frigida a latice in spinalem medullam partesque alias derivato , cum spirituum animalium torpore , orta. Quæ maximam partem petuntur ex *GLISSON: c. 4. seqq.*

§. 6. Intemperies frigida & humida merito habetur ; siquidem ea est pars essentiae hujus morbi. Hinc & Anglis quadantenus vernaculus dicitur , quia illa in sola non nihil humiditatis a vicinia maris , tum frigiditatem a distantia ab æquatore mutuatur : deinde innumeris prope fontibus abundat ; denique multis pluviiis &que frequentioribus , quàm pleræque aliæ regiones irrigatur , teste *GLISSON, cap. XIX. p. m. 244.*

§. 7. Accedit quod admodum prolifera sit hincque æque languidi debiliores & valetudinarii gignunt ac robusti & sani : præterea quæque feminæ infirmæ , cachecticæ , Cacochoymicæ , immo & in tabe n. pronæ itidem & concipiunt , & legitime gerunt ac pariunt ; ut fusius synpatriota *GLISSON c. 19. p. m. 246. seqq.* exhibent.

§. 8. Addit denique *L. a p. m. 241 GLISSONIVS* hoc malum multum fuisse promotum a diuturna ac seæra p. e. regionis ; per quam ditiores Familix , quas primas hic morbus infestavit , & adhuc præ aliis infestit , otio se ac delicatiori mollioriq. vitæ generi ad dixerunt atque inde in constitutionem humidiores , laxiorem , molliorem



rem, effeminatam, & ab excrementitiis humoribus minus perpurgatam  
inciderunt, adeo quolibet huic morbo facile obnoxios procreant.

§. 9. Nec adeo pertinacis sum opinionis, ut solis quibusdam  
Angliæ partibus illum frequentem credam, quin & in aliis An-  
gliæ partibus immo in Scotia & nonnullis aliis regionibus deprehendi  
non negat GLISSON. p. m. 248. seq. ut ut a multis non statim in  
principio agnoscatur. Immo memini me olim videre in Amplissimi  
cujusdam Vri filio præmature magnæ Parentum spei subtracto; viti-  
dem in Aurifabri cujusdam tribus liberis; quorum unus non ita pri-  
dem fati concessit.

§. 10. An vero veteribus cognitus fuerit hic morbus equidem  
nolim confidentius asserere. Poterunt esse; qui affirmationis prætex-  
tum ex aliquot locis Hippocraticis allegare possunt, qualia leguntur  
lib: de Glandulis f. m. 55. (edit: Foësi. Francof. 1595.) & lib. 2.  
περὶ πνευμάτων f. m. 82. & ad hunc locum Foësius in nott. f. m. 83. it: lib:  
de locis in homine f. m. 83. in principio. Verum hic in re magis possunt  
videri pii in Præceptorem ac veraces: magis subtiles atque accurati.

§. 11. Πρῶτον τὸ ὑποκείμενον hujus mali non est Cor aut Cere-  
brum (GLISSON: cap. VI. p. m. 48.) nec Hepar (ID. Ib. p. seqq.)  
nec Pulmo (ID. Ib. p. m. 56. seq.) nec ossa (ID. Ib. p. 59) sed  
calvariæ egressa medulla Spinalis teste EOD. Ib. p. m. 58. Quam-  
vis improprie medulla audiat teste AVCTORE l. de Carnibus f. m.  
30. (quem Exc. Sebast: SCHEFFERVS dulcissimus Amicus. Medicus  
Francofurt. nsium celeberrimus in introd: in Artem med. Conring. cap. 3.  
§. 9. p. m. 12. atque CÆSALPIN: in specul. art. med. Hipp. l. 1. c. 1. p.  
m. 2. adscribunt DEMOCRITO: Hippocrati vero PICCOLHOM.  
l. 2. prælect. anat. V. f. m. 57. & Th. BARTHOLIN tr. de pulmonib f.  
1. p. m. 2. non tamen legitimam ejus esse colligo ex Joh. Gallego de la  
SERNA tr: de principiis generationis l. 1. c. 35. f. 201. b. Conf ACAD:  
GERM. CVRIOS. Ann. III. p. m. 567. in fine.

§. 12. Ab eadem spinali medulla videtur non ad imitationem Græcorum  
adipisci: quam enim Angli the Rickets nulla manifesta ratione (teste  
GLISSON. c. 1. p. m. 3. seqq.) non inaverunt; hanc studiose Medici  
Angli ad Græciam reduxerunt: his enim αὐτὸς ὁ ὀστέος πᾶσις vel etiam  
πᾶσις ὁ ὀστέος morbus spinalis, item ὁ ὀστέος τῆς πλάτης morbus spinæ dorsalis  
quia hæc est inter primo affectas partes princeps: GLISSON l. a. p. m. 5.



& ita alludit vernaculæ Anglicæ & Germanicæ qs. Di Rücken-  
Krantheit Græcis enim πᾶσις μωελός, Spinalis medulla s. spinæ  
dorsi medulla dicitur teste *Henr. Stephano in Thes. Græc. Ling.*  
*Tom. 1. f. m. 523.* ubi etiam docet, unde πᾶσις, αὐσ, ἡ, spina dorsi  
descendat: Conf. Eundem maxime *Tom. III. f. m. 669. seq.* ac præci-  
pue GORRÆVM in *definit. med.* item Varini PHAVORINI *Camertis*  
*Lexicon: τὸ π' μετὰ τῆς Α'.* f. m. 1615. (edit. Basil: Roberti Chimerin.  
1538.) & ETYMOLOG: MAGN. lit. P. f. m. 702. Edit. Sylburg. 1594.

§. 13. Nec Spinalis solum medulla, sed omnes ab ea-  
dem oriundinervi, teste GLISSON. c. 4. p. m. 58. Oriuntur autem  
(secus ac veteres fere omnes & plurimi recentiorum crediderunt; ex-  
clusa etiam ARISTOTELIS sententia e corde oriri utut mordicus quo-  
que a C. HOFFMANNO defensa,) una omnes nervi tam intra quam  
extra cranium; unice a medulla oblongata & spinali, nulli-  
que à Cerebro; quemadmodum præter CL. Virorum auctoritatem  
WILLISII *Anatom. Cerebr. c. 13. cap. 19.* & passim de *anima brutorum*,  
BLASII *tr. pecul. de spinali med. TVLP II. 1. obss' c. 3. p. m. 7.* prio-  
remque sententiam deponens novam hanc quoque accepit & sustinuit  
CL. Th. BARTHOLIN. *A. R. lib. 3. c. 3. p. m. 468.* Edit. noviss.  
*Lugd. 1677. & c. 4. p. m. 483. & fuse libell. 3. c. 1. p. m. 659.*

Immo ipsissima ocularis demonstratio; veluti clabso mense in sollem-  
ni Anatomie αὐτόχρησθαι ad oculum una omnibus Dnn. Spectatoribus  
demonstravi apertissime; ubi viderunt nec opticos etiam; nec oculo-  
rum motorios, nec acusticos; nec alios ullos e cerebro sed unice e  
medulla dicta expansa prodire.

§. 14. Δευτέρως vero mali hujus subjectum, præter eas a  
GLISSONIO cap. IV. recensitas, esse possunt aliæ multæ partes. Hinc  
in ejusmodi ægris Caput justo majus, faciesque habitior respectu re-  
liquarum partium GLISSON c. 2. p. m. 10. membra externa musculi-  
que totius Corporis graciles & emaciati; qs. atrophia vel tabe absum-  
ti cernuntur, quod in omnibus ita mortuis observatum *Id. Ib. p. m. 10.*  
*seq.* Cutis universa, tum vera, tum membrana carnosæ & adiposæ,  
flaccida & quasi pendula, laxæque instar chirothecæ apparet, ita ut  
multo plus carniū eas continere posse putes *Ib. p. m. 11* ubi longe  
plura. it. pulmones cum pleura in omnibus quos aperuere, fuere ad-  
nati plus minus, GLISSON. c. 2. p. m. 13. ubi addit; *Arbitramur ta-*



men contingere posse hunc affectum, sine huius modi coalescentia; licet ex progressu morbi plerumque ante obitum superveniat. Verum uti prius facile largi possumus; ita potterius credere, nunquam adducimur. Plurimum apud laud: GLISSONIVM.

§. 15. Via vero, qua humores inutiles ad spinalem medullam possit inire; videtur quadantenus adumbrare Divinus. *COVS* *ἡ περὶ γονῆς* statim in principio f. m. ii. exemplo ducto a feminis generatione. Verba ejus sunt hæc: Οὕτω δὲ καὶ ἐν τῷ ἀνδρώπῳ, ἀποκρίνεται ἀπὸ τῆς ὑγρῆς αἰφρέοντος, τὸ ἰσχυρότατον καὶ τὸ πιότατον. καὶ ἐργεταίς τὸν νωγιστὸν μυελόν. Τείνουν γὰρ ἐς τὴν ἐκ παντὸς τοῦ σώματος καὶ διαχέει ἐκ τῆς ἐγκεφαλῆς εἰς τὴν ὀσφίν, καὶ ἐς πᾶν τὸ σῶμα, καὶ ἐς τὸν μυελόν καὶ ἐξ αὐτῆς τείνουν ὁδοὺς, ὥς τε καὶ ἐπιέναι τῆς ὑγρῆς ἐς αὐτὸν καὶ ἀποχωρεῖν h. e. vertente FOESIO. Sic vero etiam in homine. quod valdissimum est & pinguisimum, a spu nesciente humore secernitur, & ad spinalem medullam progreditur. In hanc enim ex toto corpore via quedam feruntur, & ex cerebro in lumbos, universum Corpus & spinalem medullam diffunditur, ex eaque via quadam procedunt, ita ut ad eam humidum deferret, & ex ea secedere queat de. Curatius vero has vias explicuere GLISSONIVS atque SCHÖNGAST c. 3.

§. 16. Causam proximam in laticem vel lympham abundantem & peccantem forte non immerito rejicit CL. Schöngast disp. Inaug. præs. DD. Sulzbergero cap. 2. In sucum vero nervorum nutritium GLISSON: d. Rachit. c. 6. & in Anat. Hepat. c. 45 p. m. 387. (edit. Amstelod. 1665.) quem locum quoque allegavit CHARLETON. æcon. animal. Exerc. x. §. 11. p. m. 19. Verum hunc tq. Commentum multi recentiorum, nec sine causa rejiciunt; uti DEVSING. Exerc. pecul. & in specie quoad hanc rem Schöngast disp. inaug. cap. 3.

§. 17. Reliquæ causæ & propinquiore & remotiores fere coincidunt cum aliis morbis, qui ad Intemperiem tum frigidam, tum humidam referuntur; ideoque superfedebimus iis recensendis; cum in genere ap. plerosque Institutionistas reperiamus; in specie vero pro Rachitide ap. GLISSON de Rachit. c. 15 & seqq. Schöngast cap. 4. seqq.

§. 18. Variæ huius mali habentur producta, potissimum a depravata nutritione dependentia, veluti sunt (1.) Extremitatum in artubus excrecentiæ & contorsiones earum atque spina dorsi, (2.) Tabes corporis, immo denique marasmus (3.) Mollities & laxitas par-



tium (4.) Impotentia, aut saltim difficultas ambulandi (5.) Angustia pectoris cum dyspnœa (6.) Tussis & alia plura, quibus recensendis infudarunt CL. GLISSONIVS *iv. saepe alleg. passim præcipue capp. 6. 7. seqq. it. c. 21. atque Schöngast. disp. inaug. c. 4. & 6.* Sic glandulæ concatenatæ (quæ quasi catena globulorum ab auriculis per colli longitudinem ad claviculas descendunt) majores cernuntur in pueris hoc malo afflictis, teste WHARTONO *Adenogr. c. 39. p. m. 251.*

§. 19. Quod ad *ωρόνυσσιν*, specie sua letalis non est; quin sæpe adeo benignus, ut pueri aliqui solo ætatis beneficio, calore vitali quomodocumque aucto, absque medicamentis convaluerint; teste GLISSON. *c. 23. p. m. 295.* Interdum tn: adeo contumax est; ut non nisi morti cedere velit. *Id. Ib.* Quibus ante aut statim a partu accidit; aut nunquam aut difficulter curantur *Id. Ib. p. m. 296.* Grandiores junioribus, incedentes pedibus, non incedentibus facilius curantur. *Id. Ib.* Quo graviora eum stipant symptomata, eo est gravior: Quo debilior est spina dorsi, eo gravior & periculosior est morbus; siquidem qui nec erecti sedere; nec caput fere sustinere valent; de vita periclitantur; *Id. Ib. c. 23. p. m. 298.* ubi longe plura addit quæ vide sis.

§. 20. De Curatione quædam essent annectenda. Verum cum affectus hic non adeo notus aut frequens sit nostris in terris; ideo tuto, si occurrat, remittimus lectores ad eos, quos in hac materia laudavimus Auctores veluti classicos. Obiter saltim hoc dicimus (α) Intemperies frigida & humida per contraria tollenda, aut saltim mitiganda (β) spirituum inopia restauranda (γ) Torpidi illi excitandi & roborandi (δ) Nutritio juvanda, &c. vide GLISSON *c. 25. seq.*

Εἰρηαιετορ.

COMETA, qui hætenus ab aliquot septimanis in Anglia, Belgio, Argentorati Norimberga, Vienna, Lipsia, Francofurti &c. heic quoque visitur, jam post solis occasum statim, cum cauda ferme dimidium cali nostratis perlustrante, sed pallida admodum; a Virgine per Libram &c. progressus est multis horrorem futuri mali incutit. Pietati equidem nullius præjudicabimus, interim Stellâ esse quandam (cui SENECA VII. Q. N. Ammian: Marcell: l. 25. & 30. SERVIO ad Virg: Aen: X. Is: VOSSIO de Lucis nat. & propr: c. 32. p. m. 79.) erraticam (ita PHELIPPOSIVS Medicus ex Flandria, Conf. CARTES: & BECHMAN. Phys: l. 2. c. 7.) cursum tamen sui generis certum servantem (vid: PETITV SMunitio-num Praefectus in diss. de Comet: nat: HEVEL: in prodr. Comet. AVZOVTVS &c.) a primordio mundi conditam quod alii jam olim crediderunt, teste PLIN: H. N. II. 25. (contra BECHMANN: l. a. neque quidquam siue boni siue mali (utrumque tn: credidit MAZZOTTA l. 1. de meteoris igneis c. 3. p. m. 16.) hominibus prasagire (Conf. HEVEL PETIT: ll aa. GASSEND. Erasmus BARTHOLIN: Car: Pisonem &c.) sed omnia illa; quæ sæpe numero eveniunt, & ab hominum ac temporum perenni malitia; & Ethnicorum credulitate, &c. peti posse forte, sine piaculo credimus.